

*Caput* punctatum, fronte depressa, oculis magnis, antennis corpore paullo longioribus, basi pilosulis, apice tenuiter cinereo-pubescentibus. — *Thorax* structurae *S. sulphuratae*, supra punctatus, punctis magnis, 4 dorsalibus quadratim dispositis, subconfluentibus, 2 lateralibus nigris. — *Scutellum* transversum. — *Elytra* thorace latiora et 6-plo longiora, linearia, apice singulatim rotundata, supra minus confertim punctata, vitta laterali, ultra medium fasciolis 2 interrupta, nigra. — *Corpus subtus* tenuissime punctulatum, minus tomentosum; *pedibus* longiusculis.

In sylvis Sibiriae 3 specimina lecta, duo virescenti-tomentosa, tertium cinereo-tomentosum; abdomine crasso, ano canaliculato (femina?).

16. *CLYTUS Ibea*.

*Niger*, thorace globoso, ruguloso, *elytris striola transversa*, fasciis 2 angulatis apiceque rotundato flavis.

*Longit.* 6—7½ lin. *lat.* 2—2½ lin.

Tota tenue albido-pubescentis, supra opaca, subtus nitidula.

*Caput* punctatum, fronte convexa, 4-carinata, carinis intermediis apice connexis. — *Antennae* breves, apice piceae. — *Thorax* transversus, basi apiceque truncatus et flavo-tomentosus, supra globosus, anguste rugulosus. — *Scutellum* transversum, rotundatum, margine flavo-tomentosum. — *Elytra* thorace parum latiora et 2½ longiora, linearia, postice angustiora et singulatim rotundata, supra convexa, rugulosa, striola antica transversa, fascia a scutello pone suturam usque ad medium descendente, inde angulata, transversa, altera a priori ultra medium in ipsa sutura decurrente, tum cum illa para-

lella, margineque apicis flavo-tomentosis. — *Corpus subtus* tenue punctatum, macula laterali pectoris abdominisque segmentorum margine flavo-tomentosis. — *Pedes* longi, femoribus clavatis, rugulosis, tarsis piceis.

Habit. in floribus montium altaicorum.

17. *CLYTUS Hircus*.

*Niger*, thorace globoso, striolis 2 albis; *elytris fuscis*, apice obscurioribus, fasciis 2 arcuatis albis.

*Longit.* 5½ lin. *lat.* 1½ lin.

Tenue albido-pubescentis, supra opacus, subtus nitidulus.

*Caput* confertim punctatum, fronte depressa; antennae breves, piceae. — *Thorax* antice posticeque truncatus, lateribus dilatatus, supra parum convexus, confertissime punctulatus, striolis 2 disci sub-arcuatis, albis. — *Elytra* thorace parum latiora et 2½ longiora, linearia, apice singulatim rotundata, supra parum convexa, subtilissime alutacea, punctulo humerali obsoleto, fascia a scutello ellyptice ad humerum excurrente, alteraque obliqua, antrorsum arcuata in medio, albo-tomentosis. — *Corpus subtus* dense punctulatum; *pedes* longi, femoribus clavatis, basi ferrugineis, tibiis fuscis, tarsis piceis.

Habit. cum priore.

18. *PAROPSIS 12-pustulata*.

*Ob-ovata*, atra, *elytris maculis 6 flavis* (in vivis rufis?).

*Longit.* 4 lin. *lat.* 3 lin.

Nitida, glabra.